



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-071-4/25**

Datum: **24.06.2025. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Breza za donošenje rješenja o vodnoj dozvoli za zahvatanje vode sa otvorenog vodozahvata «Mala rijeka» na lokalitetu Luke, općina Vareš za potrebe snabdijevanja pitkom vodom potrošača na području općine Breza, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Breza za zahvatanje vode sa otvorenog vodozahvata «Mala rijeka» – tirolski zahvat (kapacitet 20-40 l/s) na lokalitetu Luke, općina Vareš za potrebe snabdijevanja vodom potrošača na području općine Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 2.2. Da se obezbijedi stalni i sistematski pregled vode od strane ovlaštene laboratorije, te poduzmu sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.3. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.4. Da se obezbijedi tehnička ispravnost ugrađenog mjernog uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
 - 2.5. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.6. Da se zahvaćena voda prečišćava na postrojenju za pripremu pitke vode lociranom na lokalitetu Dabravine - Hodžići, općina Vareš primjenom odabrane tehnologije koja će dati vodu za piće kvaliteta propisanog Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
 - 2.7. Da korisnik vodozahvatnog objekta brine o čuvanju objekta i uređaja na njemu od slučajnog ili namjernog oštećenja ili uništenja.
 - 2.8. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.9. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o zdravstvenoj ispravnosti vode za piće.
 - 2.10. Da se skladištenje hemikalija potrebnih u procesu dezinfekcije vode za piće vrši na propisan način.
 - 2.11. Da se u toku važenja ove vodne dozvole kod nadležnih organa okončaju aktivnosti u cilju donošenja nove Odluke o zaštiti izvorišta «Mala rijeka» u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta

vode za javno vodosnabdijevanje stanovništva («Službene novine Federacije BiH», broj 88/12).

- 2.12. Do donošenja nove Odluke, sprovoditi zaštitne mjere i pridržavati se odredbi postojeće Odluke o zaštiti izvorišta vode za piće «Mala rijeka» broj: 02-25-10424/05 donesenoj dana 30.03.2005. godine od strane Vlade Zeničko-dobojskog kantona.
- 2.13. U cilju najstrožije kontrole prostora na kome je smješten vodozahvatni objekat potrebno je isti na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko vodozahvata potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
- 2.14. Da se na ekološki prihvatljiv način riješi trajno zbrinjavanje mulja koji nastaje na postrojenju za pripremu vode za piće, pri čemu se zabranjuje njegovo odlaganje na vodno dobro, javno vodno dobro, obale i korito vodotoka.
- 2.15. Vlasnik odnosno korisnik vodozahvatnih objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Korisnik predmetnog vodozahvatnog objekta je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko prilikom upotrebe predmetnih vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne takse.
8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo Rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće «KOMUNALNO» d.o.o. Breza podnijelo je Agenciji dana 18.02.2025. godine zahtjev za izdavanje vodne dozvole za zahvatanje vode sa otvorenog vodozahvata «Mala rijeka» (kapacitet 20-40 l/s) na lokalitetu Luke, općina Vareš za potrebe snabdijevanja vodom potrošača na području općine Breza. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-002957 izdatog dana 01.10.2024. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje Banja Luka,

- Kopija Rješenja o vodnoj dozvoli broj: UP-I/25-3-40-654-4/19 izdatog dana 17.02.2020. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti za izgradnju vodovoda «Mala rijeka» broj: 12-23-2696/01 izdatog Općini Breza dana 27.02.2002. godine od strane Ministarstva za prostorno uređenje, promet i komunikacije i zaštitu okolice Zeničko-dobojskog kantona,
- Kopija Rješenja o odobrenju za građenje vodovoda «Mala rijeka» broj: 12-23-1204/02 izdatog Općini Breza dana 10.05.2002. godine od strane Ministarstva za prostorno uređenje, promet i komunikacije i zaštitu okolice Zeničko-dobojskog kantona,
- Kopija Rješenja o saglasnosti za izgradnju vodovoda «Mala rijeka» i rekonstrukciju postojećeg vodovoda u cestovnom i zaštitnom pojasu regionalne ceste R-444 Vareš-Podlugovi broj: 12-27-4236/02 izdatog dana 18.04.2002. godine od strane Ministarstva za prostorno uređenje, promet i komunikacije i zaštitu okolice Zeničko-dobojskog kantona,
- Kopija Pravilnika o održavanju, korištenju i osmatranju objekata komunalnog vodovodnog sistema Breza broj: 1621-31-05-13-2/18 od 31.05.2018. godine,
- Kopija Odluke o zaštiti vode za piće izvorišta «Mala rijeka» Brezanskog vodovoda broj: 02-25-10424/05 donesene dana 30.03.2005. godine od strane Vlade Zeničko-dobojskog kantona,
- Kopija Odluke o regulisanju odnosa davaoca i korisnika komunalne usluge snabdijevanje pitkom vodom broj: 01/1-02-913/10 donesene dana 29.04.2010. godine od strane Općinskog vijeća Breza,
- Projekat zaštite izvorišta vode za piće Mala rijeka vodovodnog sistema Breza urađen od strane Instituta za hidrotehniku Građevinskog fakulteta u Sarajevu (maj-nov. 2004. godine) - na uvid,
- Glavni projekat vodozahvata na lijevom kraku Male rijeke i dovodni cjevovod urađen od strane «PROJEKT» d.d. Sarajevo, 2001. godine - na uvid,
- Kopije Izvještaja o rezultatima mikrobiološke analize vode za piće urađenih dana 30.04., 29.05. i 10.06.2025. godine od strane Službe za mikrobiologiju hrane Instituta za zdravlje i sigurnost hrane Zenica,
- Kopije Izvještaja o rezultatima fizičko-hemijske analize vode za piće urađenih dana 30.04., 29.05. i 10.06.2025. godine od strane Službe za hemijsku dijagnostiku Instituta za zdravlje i sigurnost hrane Zenica,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog vodozahvatnog objekta na Maloj rijeci na lokalitetu Luke, općina Vareš i tom prilikom je sačinjen zapisnik o izvršenom uviđaju broj: UP-1/21-3-40-071-3/25 od 14.05.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe snabdijevanja vodom potrošača na području općine Breza izgrađen je otvoreni vodozahvatni objekat – tirolski zahvat na koti 771 m n.m. (kapacitet 20-40 l/s) neposredno prije ušća lijevog u desni krak Male rijeke na lokalitetu Luke (oko 21 km sjeveroistočno od Breze). Vodozahvat se nalazi 4,5 km nizvodno od ušća Daštanskog i Brgulskog potoka od kojih nastaje Mala rijeka. Ovo izvorište je dopuna izvorištu «Milkino vrelo» jer se voda sa Male rijeke najvećim dijelom koristi u sušnom periodu kada se na izvorištu «Milkino vrelo» javlja značajan deficit vode.

Zahvaćena količina vode se gravitacionim cjevovodom Ø200 mm odvodi na tretman u Postrojenje za prečišćavanje sirove vode izgrađeno na lokalitetu Dabravine-Hodžići, općina Vareš. Nakon tretmana, voda odlazi u rezervoar «Križ» kapaciteta 600 m³ odakle se distribuira prema potrošačima općine Breza. Mjerenje zahvaćenih količina vode se vrši putem mjerača protoka smještenog u objektu postrojenja a dezinfekcija vode sa ovog i izvorišta «Milkino vrelo» se vrši doziranjem gasnog hlora putem mjerno regulacijske opreme na Medića pumpi.

Redovno se rade mikrobiološka i fizičko-hemijska analiza vode sa ovog i izvorišta «Milkino vrelo» (osnovni sistem vodosnabdijevanja) od strane Instituta za zdravlje i sigurnost hrane Zenica.

Korisnik vodozahvatnog objekta, JP «KOMUNALNO» d.o.o. Breza nije postupio u skladu sa tačkom 2.9. ranije izdatog Rješenja o vodnoj dozvoli odnosno nije izvršeno usklađivanje postojeće Odluke o zaštiti izvorišta vode za piće «Mala rijeka» u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12). Prva zaštitna zona izvorišta je ograđena a druga je označena tablama.

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima kao i održivog korištenja voda, podnosiocu zahtjeva, JP «KOMUNALNO» d.o.o. Breza, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnog vodozahvatnog objekta u skladu sa članom 48., 64., 66., 116. i 128. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno preduzeće «KOMUNALNO» d.o.o. Breza, ispunio minimum uslova za izdavanje vodne dozvole za zahvatanje vode sa otvorenog vodozahvata «Mala rijeka» na lokalitetu Luke, općina Vareš za potrebe snabdijevanja pitkom vodom potrošača na području općine Breza, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-071-2/25 od 09.05.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «KOMUNALNO» d.o.o. Breza
ul. ZAVNOBiH-a br 6, 71370 Breza
- ⊖ AVP Sava, ISV – Vodna knjiga
 - Sektor 50
 - Sektor 40 - arhiva
 - Oglasna ploča - AVP Sava